

樊川集

外集詩  
別集詩  
遺文詩  
逸句



樊川文集後序

將仕郎守京兆府藍田縣令兄集賢殿校理

裴延翰撰

長安南下杜樊鄉鄴元長注水經實樊川也延翰  
外曾祖司徒岐公之別墅在焉上五年冬仲舅自  
吳興守拜考功郎中知制誥盡吳興俸錢創治其  
墅出中書直取名昵密往遊其地一日談啁酒酣  
顧延翰曰司馬遷云自古富貴其名磨滅者不可  
勝紀我適稚走於此得官受俸再治完具俄及老  
為樊上翁既不自期富貴要有數百首文章異日

爾爲我序。號樊川集。如此。顧樊川一禽魚一草木。無恨矣。庶千百年未隨此磨滅。耶。明年冬。遷中書舍人。始少得恙。盡搜文章。閱千百紙。擲焚之。纔屬畱者十二三。延翰自撮髮讀書學文。率承導誘。伏念始初出仕。入朝三直太史筆。比四出守。其間逾二十年。凡有撰制。大手短章。塗藁醉墨。碩夥纖屑。雖適僻阻。不遠數千里。必獲寫示。以是在延翰久藏蓄者。甲乙籤目。比校焚外。十多七八。得詩賦傳錄論辯碑誌序記書啓表制。離爲二十編。合爲四百五十首。題曰樊川文集。嗚呼。雖當一時戲感之言。孰見魄兆。而果驗白耶。嘻。文章與政通。而風俗以文移。在三代之道。以文與忠敬隨之。是爲理具。與運高下。探採古作者之論。以屈原宋玉賈誼司馬遷相如楊雄劉向班固爲世魁傑。然騷人之詞。怨刺憤懣。雖援及君臣教化。而不能濡洽。持論相如子雲。瑰麗詭變。諷多要寡。漫羨無歸。不見治亂。賈馬劉班。乘時君之善否。直豁已臆。奮然以拯世。扶物爲任。纂緒造端。必不空言。言之所及。則君臣禮樂教化。賞罰無不包焉。竊觀仲舅之文。高騁負厲。旁紹曲撫。絜簡渾圓。勁出橫貫。滌濯滓窳。支立

欹倚呵摩。駮瘵如火煦焉。爬梳痛癢。如水洗焉。其  
抉剔挫偃。敢斷果行。若誓牧豎。前無有敵。其正視  
嚴聽。前衡後鑿。如整冠裳。祇謁宗廟。其聒蟄爆。擊  
發慄若大呂。勁鳴洪鐘。橫撞撐裂。噎啞戛切。韶濩  
其砭熨。嫉害堤障。初終若濡。槁於未焚。膏雍於未  
穿。栽培教化。翻正治亂。變醜養瘠。堯醜舜薰。斯有  
意趨賈馬。劉班之藩牆者。耶。其文有罪言者。原十  
六衛者。戰守二論者。與時宰論用兵。論江賊二書  
者。上獵秦漢。魏晉南北二朝。逮貞觀至長慶。數千  
百年。兵農刑政。措置當否。皆能採取前事。凡人未  
嘗經度者。若繩裁刀解。粉畫線織。布在眼見耳聞  
下。其譎往事。則阿房宮賦。刺當代。則感懷詩。有國  
欲亾。則得一賢人。決遂不亾者。則張保臬傳。尚古  
兵柄。本出儒術。不專任武力者。則注孫子。而爲其  
序。褒勸賢傑。表揭職業。則贈莊淑大長公主。及故  
丞相奇章公汝南公墓誌。標白歷代。取士得才。率  
由公族子弟爲多。則與高大夫書。諫諍之體。非訐  
醜惡。與主鬪激。則論諫書。若一縣宰。因行德教。不  
施刑罰。能舉古風。則謝守黃州表。一存一亾。適見  
交分。則祭李處州文。訓勵官業。告陳君命。擬古典

謨以寓誅賞則司帝之誥其餘述喻讚誠興諷愁  
傷易格異狀機鍵雜發雖綿遠窮幽醲腴魁曩筆  
酣興健窈眇碎細包詩人之軌憲整揚馬之牙陳  
聳曹劉之骨氣掇顏謝之物色然未始不撥斲治  
本經幅道義鈎索於經史觝禦於理化也故文中  
子曰言文而不及理是天下無文也王道何從而  
興乎嘻所謂文章與政通而風俗以文移果於是  
以卜盛時理具踔三代而蔭萬古若躋太華臨溟  
渤但觀乎積高而沓深不知其磅礴澶漫所為遠  
大者也近代或序其文非有名與位則文學宗老  
小子既就其集寐寤思慮顛倒反覆不翅逾年苟  
墜承顧付與之言雖晦顯兩不相解在他人無知  
其狀者然以高有天幽有神陰有宰物者可自抵  
誣以甘罰殛耶故總其條目強自後序至於裁判  
風雅宰制典刑標翊時濟物之才編志業名位之  
實則恭侯叔父中書公於前序

後序

樊川外集目錄

詩

班竹筒簟

和巖暉秀才落花

倡樓戲贈

初上船畱寄

秋岍

過大梁聞河亭方讌贈孫子端

題吳興消暑樓十二韻

奉送中丞姊夫儔自大理卿出鎮江西叙事



樊川外集目錄  
書懷因成十二韻

中丞業深韜畧志在功名再奉長句一篇兼  
有諮勸

和裴傑秀才新櫻桃

春思

代人作

偶題二首

冬至日遇京使發寄舍弟

洛下送張曼容赴上黨召

宣州畱贈

寄題宣州開元寺

贈張祐

殘春獨來南亭因寄張祐

宣州開元寺南樓

寄遠人

別沈處士

畱贈

奉和僕射相公春澤稍愆聖君軫慮嘉雪忽  
降品彙昭蘇卽事書成四韻

寄李播評事

送牛相出鎮襄州

送薛邽二首

見穆三十宅中庭海榴花謝

畱誨曹師等詩

洛陽

寄唐州李玘尚書

南陵道中

登九峰樓

別家

歸家

雨

送人

遣懷

醉贈薛道封

歙州盧中丞見惠名醞

詠襪

宮詞二首

月

忍死畱別獻鹽鐵裴相公二十叔

悲吳王城



閨情代作

寄沈褒秀才

入關

及第後寄長安故人

偶作

贈終南蘭若僧

遣懷

春日途中

秋感

贈漁父

嘆花

題劉秀才新竹

山行

書懷

紫薇花

醉後呈崔大夫

和宣州沈大夫登北樓書懷

夜雨

方響

將出關宿層峰驛却寄李諫議

使廻枉唐州崔司馬書兼寄四韻因和

郡齋秋夜卽事寄斛斯處士許秀才

同趙二十二訪張明府郊居聯句

早春題真上人院

對花微疾不飲呈坐中諸公

酬王秀才桃花園見寄

走筆送杜十二歸京

送王十至褒中因寄尚書

後池泛舟送王十

重送王十

洛陽秋夕

贈獵騎

懷吳中馮秀才

寄東塔僧

秋夕

瑤瑟

送故人歸山

聞角

押兵甲發谷口寄諸公

和令狐侍御賞蕙草

偶題

三川驛伏覽座主舍人畱題

陝州醉贈裴四同年

破鏡

長安雪後

華清宮

冬日題智門寺北樓

別王十後遣京使累路附書

許秀才至辱李蘄州絕句問斷酒之情因寄

送張判官歸兼謁鄂州大夫

宿長慶寺

望少華三首

登澧州驛樓寄京兆韋尹

長安晴望

歲日朝迴口號

驢驢坂

龍丘途中二首

宮人塚

寄浙西李判官

寄杜子

盧秀才將出王屋高步名場江南相逢贈別  
送劉三復郎中赴闕

羊欄浦夜陪宴會

送杜顓赴潤州幕

有感

書懷寄盧州守

賀崔大夫崔正字

江南送左師

寢夜

十九兄郡樓有宴病不赴

愁

隋苑

芭蕉

汴水舟行會張祐

牧陪昭應盧郎中在江西宣州佐今吏部沈

公幕罷府周歲公宰昭應牧在淮南縻職

叙舊成二十韻用以投寄

樊川外集目錄

樊川外集

詩

班竹筒簟

血○染○班○班○成○錦○紋○昔○年○遺○恨○至○今○存○分○明○知○是○湘○  
妃○泣○何○忍○將○身○卧○淚○痕○

和嚴惲秀才落花

共○惜○流○年○留○不○得○且○環○流○水○醉○流○杯○無○情○紅○豔○年○  
年○盛○不○恨○凋○零○却○恨○開○

倡樓戲贈

細○柳○橋○邊○深○半○春○纈○衣○簾○裏○動○香○塵○無○端○有○寄○閒○



消息背插金釵笑向人。

初上船畱寄

煙水本好尚。親交何慘悽。况爲珠履客。即泊錦帆  
堤。沙雁同船去。田鷓遶岼啼。此時還有味。必卧日  
從西。

秋岼

河岼微退落。桺影微凋疎。船上聽呼穉。堤南趁漉  
魚。數帆旗去疾。一艇箭廻初。曾入相思夢。因憑附  
遠書。

過大梁聞河亭方讌贈孫子端

梁園縱翫歸。應少賦雪搜。才去必頻板。落豈緣無  
罰酒。不教客右更添人。

題吳興消暑樓十二韻

晴日登攀好。危樓物象饒。一溪通四境。萬岫遶層  
霄。鳥翼舒華屋。魚鱗棹短橈。浪花機乍織。雲葉近  
新雕。臺榭羅嘉卉。城池敞麗譙。蟾蜍來作鑿。蟬  
引成橋。燕任隨秋葉。人空集早潮。楚鴻行盡直。沙  
鷺立偏翹。暮角淒遊旅。清歌慘泐寥。景牽遊目困。  
愁託酒腸銷。遠吹流松韻。殘陽渡桺橋。時陪庾公  
賞。還悟脫煩囂。

奉送中丞姊夫儔自大理卿出鎮江西叙事

書懷因成十二韻

惟帝憂南紀。搜賢與大藩。梅仙調步驟。庾亮拂橐  
鞬。一室何勞埽。三章自不冤。精明如定國。孤峻似  
陳蕃。灞岍秋猶嫩。藍橋水始喧。紅旂呈石壁。黑稍  
斷雲根。滕閣丹青倚。章江碧玉奔。一聲仙妓唱。千  
里暮江痕。私好初童稚。官榮見子孫。流年休挂念。  
萬事至無言。玉輦君頻過。馮唐將未論。傭書酬萬  
債。竹塢問樊鄩。

中丞業深韜畧。志在功名再奉長句一篇兼

有諮勸

檣似鄧林江拍天。越香巴錦萬千千。滕王閣上柘  
枝鼓。徐孺亭西鐵軸船。八部元侯非不覺。萬人師  
長。豈無權要君。巖重踈歡樂。猶有河湟可下鞭。時收

河湟且止  
三州六關

和裴傑秀才新櫻桃

新果真瓊液。未應宴紫蘭。圓疑竊龍頷。色已奪鷄  
冠。遠火微微辨。繁星歷歷看。茂先知味好。曼倩恨  
偷難。忍用烹醅酪。從將翫玉盤。流年如可駐。何必  
九華丹。

春思

豈君心的的。嗟我淚涓涓。綿羽啼來久。錦鱗書未傳。獸爐凝冷焰。羅幕蔽晴煙。自是求佳夢。何須訝晝眠。

代人作

樓高春日早。屏束麝煙堆。盼眄疑魂別。依稀夢雨來。綠鬟羞妥麼。紅頰思天隈。鬪草憐香蕙。簪花間雪梅。戍遼雖咽切。遊蜀亦遲迴。錦字梭懸壁。琴心月滿臺。笑筵凝貝啓。眠箔曉珠開。臘破征車動。袍襟對淚裁。

偶題二首

勞勞千里身。襟袂滿行塵。淡夜懸雙淚。短亭思遠人。蒼江程未息。黑水夢何頻。明月輕橈去。唯應釣赤鱗。

有恨秋來極。無端別後知。夜闌終耿耿。明發竟遲遲。信已憑鴻去。歸唯與燕期。只應明月見。千里兩相思。

冬至日遇京使發寄舍弟

遠信初逢雙鯉去。他鄉正遇一陽生。樽前豈解愁家國。輦下唯能憶弟兄。旅館夜憂姜被冷。暮江寒



覺○晏○裘○輕○竹○門○風○過○還○惆○悵○疑○是○松○窗○雪○打○聲○  
洛下送張曼容赴上黨召

歌○闕○罇○殘○恨○起○偏○憑○君○不○用○設○離○筵○未○趨○雉○尾○隨○  
元○老○且○驀○羊○腸○過○少○年○七○葉○漢○貂○真○密○近○一○枝○詵○  
桂○亦○徒○然○羽○書○正○急○徵○兵○地○須○遣○頭○風○處○處○痊○

宣州留贈

紅○鉛○濕○盡○半○羅○裙○洞○府○人○間○手○欲○分○滿○面○風○流○雖○  
似○玉○四○年○夫○婿○恰○如○雲○當○春○離○恨○杯○常○滿○倚○柱○關○  
情○日○漸○暝○為○報○眼○波○雖○穩○當○五○陵○遊○宕○莫○知○聞○

寄題宣州開元寺

松○寺○曾○同○一○崔○樓○夜○溪○臺○殿○月○高○低○何○人○為○倚○東○  
樓○柱○正○是○千○山○雪○漲○溪○

贈張祐

詩○韻○一○逢○君○平○生○稱○所○聞○粉○毫○唯○畫○月○瓊○尺○只○裁○  
雲○黥○陣○人○人○懾○秋○星○歷○歷○分○數○篇○留○別○我○羞○殺○李○  
將○軍○

殘春獨來南亭因寄張祐

煖○雲○如○粉○草○如○茵○獨○步○長○堤○不○見○人○一○額○桃○花○紅○  
錦○駝○半○溪○山○水○碧○蘿○新○高○枝○百○舌○猶○欺○鳥○帶○葉○梨○  
花○獨○送○春○仲○蔚○欲○知○何○處○在○苦○吟○林○下○拂○詩○塵○

宣州開元寺南樓

小樓纔受一牀橫。終日看山酒滿傾。可惜和風夜  
來雨。醉中虛度打窗聲。

寄遠人

終日求人卜。迴迴道好音。那時離別後。入夢到如  
今。

別沈處士

舊事參差夢。新程遞迤迤。故人如見憶。時到寺東  
樓。

畱贈

舞鞞應任閒人看。笑臉還須待我開。不用鏡前空  
有淚。薔薇花謝即歸來。

奉和僕射相公春澤稍愆聖君軫慮嘉雪忽

降品彙昭蘇。即事書成四韻。白相國

飄來鷄樹鳳池邊。漸壓瓊枝凍碧漣。銀闕雙高銀  
漢裏。玉山橫列玉墀前。昭陽殿下風迴急。承露盤  
中月彩圓。上相抽毫歌帝德。一篇風雅美豐年。

寄李播評事

子列光殊價。明時忍自高。寧無好舟楫。不泛惡風  
濤。大翼終難戢。奇鋒且自韜。春來煙渚上。幾淨雪

霜毫

送牛相出鎮襄州

盛○時○常○注○意○南○雍○暫○分○茅○紫○殿○辭○明○主○巖○廊○別○舊○  
交○危○幢○侵○碧○霧○寒○旆○獵○紅○旂○德○業○懸○秦○鏡○威○聲○隱○  
楚○郊○拜○塵○先○灑○淚○成○厦○昔○容○巢○遙○仰○沉○碑○會○鴛○鴦○  
玉○佩○敲○

送薛邽二首

可○憐○走○馬○騎○驢○漢○豈○有○風○光○肯○占○伊○只○有○張○三○最○  
惆○悵○下○山○迴○馬○尚○遲○遲○

小○捷○風○流○已○俊○才○便○將○紅○粉○作○金○臺○明○年○未○去○池○  
陽○郡○夏○乞○春○時○却○重○來○

見穆三十宅中庭海榴花謝

矜○紅○掩○素○似○多○才○不○待○櫻○桃○不○逐○梅○春○到○未○曾○逢○  
宴○賞○雨○餘○爭○解○免○低○徊○巧○窮○南○國○千○般○豔○趁○得○東○  
風○二○月○開○堪○恨○王○孫○浪○遊○去○落○英○狼○籍○始○歸○來○

留誨曹師等詩

萬○物○有○醜○好○各○一○姿○狀○分○為○人○即○不○爾○學○與○不○學○  
論○學○非○探○其○花○要○自○撥○其○根○孝○友○與○誠○實○而○不○忘○  
爾○言○根○本○既○深○實○柯○葉○自○滋○繁○念○爾○無○忽○此○期○以○  
慶○吾○門○

洛陽

文爭武戰就神功。時似開元天寶中。已建玄戈收  
相土。應廻翠帽過離宮。侯門草滿罝寒兔。洛浦沙  
深下塞鴻。疑有女娥西望處。上陽煙樹正秋風。

寄唐州李玘尚書

累代功勳照世光。奚胡聞道死心降。書功筆秃三  
千管。領節門排十六雙。先揖耿弇聲寂寂。今看黃  
霸事縱縱。時人欲識胸襟否。彭蠡秋連萬里江。

南陵道中

南陵水面漫悠悠。風緊雲輕欲變秋。正是客心孤  
迴處。誰家紅袖凭江樓。

登九峰樓

晴江濼濼含淺沙。高低遶郭滯秋花。牛酒漁笛山  
月上。鷺渚鷺梁溪日斜。爲郡異鄉徒泥酒。杜陵芳  
艸豈無家。白頭搔殺倚柱遍。歸棹何時聞軋鴉。

別家

初歲嬌兒未識爺。別爺不拜手。叱义拊頭一別三  
千里。何日迎門却到家。

歸家

穉子牽衣問歸來。何太遲。共誰爭歲月。贏得鬢邊

絲

雨

連雲接塞添迢遞。灑幕侵燈送寂寥。一夜不眠孤  
客耳。主人窗外有芭蕉。

送人

鴛鴦帳裏暖芙蓉。低泣關山幾萬重。明鑑半邊  
一股。此生何處不相逢。

遣懷

道泰時還泰。時來命不來。何當離城市。高卧博山  
隈。

醉贈薛道封

飲酒論文四百刻。水分雲隔二三年。男兒事業知  
公有。賣與明君值幾錢。

歙州盧中丞見惠名醞

誰憐賤子啓窮途。太守封來酒一壺。攻破是非渾  
似夢。削平身世有如無。醺醺若借嵇康嬾兀兀。仍  
添甯武愚。猶念悲秋夏分賜。夾溪紅蓼映風蒲。

詠襪

鈿尺裁量減四分。纖纖玉笋裹輕雲。五陵年少欺  
他醉。笑把花前出畫裙。

宮詞二首

蟬翼輕綃傳體紅。玉膚如醉向春風。深闈鎖閉猶  
疑惑。更取丹砂試辟宮。  
監宮引出暫開門。隨例須朝不是恩。銀鑰却收金  
鎖合。月明花落又黃昏。

月

三十六宮秋夜深。昭陽歌斷信沉沉。唯應獨伴陳  
皇后。照見長門望幸心。

忍死留別獻鹽鐵裴相公二十叔

賢相輔明主。蒼生壽域開。青春辭白日。幽壤作黃  
埃。豈是無多士。偏蒙不棄才。孤墳一尺土。誰可爲  
培栽。

悲吳王城

二月春風江上來。水精波動碎樓臺。吳王宮殿柳  
含翠。蘇小宅房花正開。解舞細腰何處往。能歌姹  
女逐誰迴。千秋萬古無消息。國作荒原人作灰。

閨情代作

梧桐葉落雁初歸。迢遞無因寄遠衣。月照石泉金  
點冷。鳳酣簫管玉聲微。佳人力杵秋風外。蕩子從  
征夢寐希。遙望戍樓天欲曉。滿城鼙鼓白雲飛。

寄沈褒秀才

晴河萬里色如刀。處處浮雲卧碧桃。仙桂茂時金鏡曉。洛波飛處玉容高。雄如寶劍衝牛斗。麗似鴛鴦養羽毛。他日憶君何處望。九天香滿碧蕭騷。

八關

東西南北數衢通。曾取江西徑過東。今日更尋南去路。未秋應有北歸鴻。

及第後寄長安故人

東都放榜未花開。三十三人走馬迴。秦地少年多辦酒。已將春色入關來。

偶作

才子風流詠曉霞。倚樓吟住日初斜。驚殺東隣繡床女。錯將黃暈壓檀花。

贈終南蘭若僧

北闕南山是故鄉。兩枝仙桂一時芳。休公都不知名姓。始覺禪門氣味長。

遣懷

落魄江南載酒行。楚腰腸斷掌中輕。十年一覺揚州夢。占得青樓薄倖名。

春日途中

田園不事來遊宦，故國誰教爾別離。獨倚關亭還  
把酒，一年春盡送春時。

此詩正集四卷已見只結句落韻  
處彼用詩字此用時字少異耳

### 秋感

金風萬里思何盡，玉樹一牕秋影寒。獨掩柴門明  
月下，淚流香袂倚闌干。

### 贈漁父

蘆花深澤靜垂綸，月夕煙朝幾十春。自說孤舟寒  
水畔，不曾逢着獨醒人。

### 嘆花

自是尋春去較遲，不須惆悵怨芳時。狂風落盡深  
紅色，綠葉成陰子滿枝。

### 題劉秀才新竹

數莖幽玉色，曉夕翠煙分。聲破寒窗夢，根穿綠蘚  
紋。漸籠當檻日，欲礙入簾雲。不是山陰客，何人愛  
此君。

### 山行

遠上寒山石徑斜，白雲生處有人家。停車坐愛楓  
林晚，霜葉紅於二月花。

### 書懷

滿眼青山未得過，鏡中無那鬢絲何。祇言旋老轉



無事欲到中年事更多

紫薇花

曉迎秋露一枝新，不占園中最上春。  
桃李無言又在，向風偏笑豔陽人。

醉後呈崔大夫

謝傅秋涼閱管絃，徒教賤子侍華筵。  
溪頭正雨歸不得，辜負南窗一覺眠。

和宣州沈大夫登北樓書懷

兵符嚴重辭金馬，星劍光芒射斗牛。  
筆落青山飄古韻，帳開紅旆照高秋。  
香連日彩浮綃幕，溪逐歌聲遶畫樓。  
可惜登臨佳麗地，羽儀須去鳳池頭。

夜雨

九月三十日，雨聲如別秋。  
無端滿階葉，共白幾人頭。  
點滴侵寒夢，蕭騷著澹愁。  
漁歌聽不唱，蓑濕棹迴舟。

方響

數條秋水挂琅玕，玉手丁當怕夜寒。  
曲盡連敲三五下，恐驚珠淚落金盤。

將出關宿層峰驛，却寄李諫議

孤驛在重阻，雲根倚柴扉。  
數聲暮禽切，萬壑秋意

歸心馳碧泉。澗目斷青瑣。闡明日武關外。夢魂勞  
遠飛。

使廻枉唐州崔司馬書兼寄四韻因和

清晨候吏把酒來。十載離憂得暫開。癡叔去時還  
讀易。仲容多興索銜盃。人心計日殷勤望。馬首隨  
雲早晚廻。莫爲霜臺愁歲暮。潛龍須待一聲雷。

郡齋秋夜即事寄斛斯處士許秀才

有客誰人宵夜過。獨憐風景奈愁何。邊鴻怨處迷  
霜久。庭樹空來見月多。故國杳無千里信。綵絃時  
伴一聲歌。馳心祇待城烏曉。幾對虛簷望白河。

同趙二十二訪張明府郊居聯句

陶潛官罷酒瓶空。門掩楊花一夜風。牧古調詩吟  
山色裏。無絃琴在月明中。暇遠簷高樹宜幽鳥。出  
岫孤雲逐晚虹。牧別後東籬數枝菊。不知閒醉與  
誰同。暇

早春題真上人院 生天寶初

清羸已近百年身。古寺風煙又一春。寰海自成戎  
馬地。唯師曾是太平人。

對花微疾不飲。呈坐中諸公

花前雖病亦提壺。數調持觴興有無。盡日臨風羨

人醉雪香空伴白髭鬚。

謝王秀才桃花園見寄

桃滿西園淑景催。幾多紅豔淺深開。此花不逐溪流出。晉客無因入洞來。

走筆送杜十三歸京

煙鴻上漢聲聲遠。逸驥尋雲步步高。應笑內兄年六十。郡城閒坐養霜毛。

送王十至褒中因寄尚書

闕下經年別。人間兩地情。壇場新漢將。煙月古隋城。雁去梁山遠。雲高楚岫明。君家荷藕好。絨恨寄遙程。

後池泛舟送王十

相送西郊暮景和。青蒼竹外遶寒波。爲君蘸甲十分飲。應見離心一倍多。

重送王十

執袂還應立馬看。向來離思始知難。雁飛不見行塵滅。景下山遙極目寒。

洛陽秋夕

泠泠寒水帶霜風。更在天橋夜景中。清禁漏閒煙樹寂。月輪移在上陽宮。

贈獵騎

已○落○雙○鷗○血○尚○新○鳴○鞭○走○馬○又○翻○身○憑○君○莫○射○南○  
來○雁○恐○有○家○書○寄○遠○人○

懷吳中馮秀才

長○洲○苑○外○草○蕭○蕭○却○算○遊○程○歲○月○遙○唯○有○別○時○今○  
不○忘○暮○煙○秋○雨○過○楓○橋○

寄東塢僧

初○月○微○明○漏○白○煙○碧○松○梢○外○挂○青○天○西○風○靜○起○傳○  
深○夜○應○送○愁○吟○入○夜○蟬○

秋夕

銀○燭○秋○光○冷○畫○屏○輕○羅○小○扇○撲○流○螢○瑤○階○夜○色○涼○  
如○水○坐○看○牽○牛○織○女○星○

瑤瑟

玉○仙○瑤○瑟○夜○珊○珊○月○過○樓○西○桂○燭○殘○風○景○人○間○不○  
如○此○動○搖○湘○水○徹○明○寒○

送故人歸山

三○清○洞○裏○無○端○別○又○拂○塵○衣○欲○卧○雲○看○著○挂○冠○迷○  
處○所○北○山○蘿○月○在○移○文○

聞角

曉○樓○煙○檻○出○雲○霄○景○下○林○塘○已○寂○寥○城○角○為○秋○悲○

夏遠護霜雲破海天遙

押兵甲發谷口寄諸公

曉澗青青桂色孤。楚人隨玉上天衢。水辭谷口山  
寒少。今日風頭校暖無。

和令狐侍御賞蕙草

尋常詩思巧如春。又喜幽亭蕙草新。本是馨香比  
君子。遶闌今夏爲何人。

偶題

道在人間或可傳。小還輕變已多年。今來海上昇  
高望。不到蓬萊不是仙。

三川驛伏覽座主舍人留題

舊跡依然已十秋。雪山當面照銀鈎。懷恩淚盡霜  
天曉。一片餘霞映驛樓。

陝州醉贈裴四同年

淒風洛下同羈思。遲日棠陰得醉歌。自笑與君三  
載別。頭銜依舊鬢絲多。

破鏡

佳人失手鏡初分。何日團圓再會君。今朝萬里秋  
風起。山北山南一片雲。

長安雪後

秦陵漢苑參差雪。北闕南山次第春。車馬滿城原上去。豈知惆悵有閒人。

華清宮

零葉翻紅萬樹霜。玉蓮開盡暖泉香。行雲不下朝元閣。一曲淋鈴淚數行。

冬日題智門寺北樓

滿懷多少是恩酬。未見功名已白頭。不爲尋山試筋力。豈能寒上背雲樓。

別王十後遣京使累路附書

重關曉度宿雲寒。羸馬緣知步步難。此信的應中路見。亂山何處拆書看。

許秀才至辱李蘄州絕句問斷酒之情因寄  
有客南來話所思。故人遙枉醉中詩。暫因微疾須防酒。不是歡情減舊時。

送張判官歸兼謁鄂州大夫

處士聞名早。遊秦獻疏迴。胸中書萬卷。身外酒千盃。江雨春波闊。園林客夢催。今君拜旌戟。凜凜近霜臺。

宿長慶寺

南行步步遠浮塵。更近青山昨夜鄰。高鐸數聲秋

撼玉霽河千里曉橫銀紅渠影落前池淨綠稻香  
來埜徑頻終日官閒無一事不妨長醉是遊人

望少華三首

身隨白日看將老心與青雲自有期今對晴峰無  
十里世緣多累暗生悲

文字波中去不還物情初與是非閒時名竟是無  
端事羞對靈山道愛山

眼看雲雀不相隨何看塵中事作爲好伴羽人溪  
洞去月前秋聽玉參差

登澧州驛樓寄京兆韋尹

尹曾典此郡

一話泚陽舊使君郡人回首望青雲政聲長與江  
聲在自到津樓日夜聞

長安晴望

翠屏山對鳳城開碧落搖光霽後來迴識六龍巡  
幸處飛煙閒繞望春臺

歲日朝迴口號

星河猶在整朝衣遠望天門再拜歸笑向春風初  
五十敢言知命且知非

驕驕駿

瑤池罷遊宴良樂委塵沙遭遇不遭遇鹽車與鼓

車

龍丘途中二首

漢苑殘花別。吳江盛夏來。唯看萬樹合。不見一枝開。  
水色饒湘浦。灘聲怯建溪。淚流迴月上。可得夏猿啼。

宮人塚

盡是離宮院中女。苑牆城外塚纍纍。少年入內教歌舞。不識君王到老時。

寄浙西李判官

燕臺上客意何如。四五年來漸漸疎。直道莫拋男子業。遭時還與故人書。青雲滿眼應驕我。白髮渾頭少恨渠。唯念賢哉崔大讓。可憐無事不歌魚。

寄杜子

不識長楊事北胡。且教紅袖醉來扶。狂風烈焰雖千尺。豁得平生俊氣無。  
武牢關吏應相笑。箇底年年往復來。若問使君何處去。為言相憶首長迴。

盧秀才將出王屋。高步名場江南相逢贈別。玉屋山人有古文。欲攀青桂弄氛氲。將攜健筆干



明主莫向山壇問白雲。馳逐寧教爭處讓。是非偏  
忌衆中分。交遊話我憑君道。除却鱸魚更不聞。

送劉三復郎中赴闕

橫溪辭寂寞。金馬去追遊。好是鴛鴦侶。正逢霄漢  
秋。玉珂聲瑣瑣。錦帳夢悠悠。微笑知今是。因風謝  
釣舟。

羊欄浦夜陪宴會

戈檻營中夜未央。雨沾雲惹侍襄王。毬來香袖依  
稀暖。酒凸觥心汎灩光。紅絃高緊聲聲急。珠唱鋪  
圓裊裊長。自比諸生最無取。不知何處亦升堂。

送杜顓赴潤州幕

少年才俊赴知音。丞相門闌不覺深。直道事人男  
子業。異鄉加飯弟兄心。還須整理韋弦佩。莫獨矜  
誇玳瑁簪。若去上元懷古調。謝安墳下與沉吟。

有感

宛溪垂柳最長枝。曾被春風盡日吹。不堪攀折猶  
堪看。陌上少年來自遲。

書懷寄盧州守

謝山南畔州。風物最宜秋。太守懸金印。佳人敞畫  
樓。凝缸暗醉夕。殘月上汀州。可惜當年鬢。朱門不

得遊

賀崔大夫崔正字

內舉無慙古所難。燕臺遙想拂塵冠。登龍有路水  
不峻。一雁背飛天正寒。別夜酒餘紅燭短。映山帆  
去碧霞殘。謝公樓下潺湲響。離恨詩情添幾般。

江南送左師

江南爲客正悲秋。更送吾師古渡頭。惆悵不同塵  
土別。水雲蹤跡去悠悠。

寢夜

蛩唱如波咽。更深似水寒。露華驚弊褐。燈影挂塵  
冠。故國初離夢。前溪更下灘。紛紛毫髮事。多少宦  
遊難。

十九兄郡樓有宴病不赴

十二層樓敞畫簷。連雲歌盡草纖纖。空堂病怯階  
前月。燕子嗔垂一行簾。

愁

聚散竟無形。迴腸自結成。古今留不得。離別又潛  
生。降虜將軍思窮秋。遠客情何人。更憔悴。落第泣  
秦京。

隋苑

一云定子  
牛相小青

紅霞一抹廣陵春。定于當筵睡臉新。却笑丘墟隋  
煬帝。破家亡國爲誰人。

芭蕉

芭蕉爲雨移。故向牕前種。憐渠點滴聲。畱得歸鄉  
夢。夢遠莫歸鄉。覺來一翻動。

汴水舟行畱張祐

千萬長河共使船。聽君詩句倍愴然。春風埜岸名  
花發。一道帆檣畫柳煙。

牧陪昭應盧郎中。在江西宣州。佐今吏部沈  
公幕。罷府周歲。公宰昭應。牧在淮南。縻職叙

舊成二十韻用以投寄

燕雁下揚州。涼風柳陌愁。可憐千里夢。還是一年  
秋。宛水環朱檻。章江敞碧流。謬陪吾益友。祇事我  
賢侯。印組縈光馬。鋒鋌看解牛。井閭安樂易。冠蓋  
愜依投。政簡稀開閣。功成每運籌。送春經埜塢。遲  
日上高樓。玉裂歌聲斷。霞飄舞帶收。泥情斜拂印。  
別臉小低頭。日晚花枝爛。缸凝粉彩稠。未曾孤酌  
酌。剩有隻淹畱。重德俄徵寵。諸生苦宦遊。分途之  
絕國。灑淚拜行輈。聚散真漂梗。光陰極轉郵。銘心  
徒歷歷。屈指盡悠悠。君作烹鮮用。誰膺仄席求。卷

懷能憤悱。卒歲且優游。去矣時難遇。沽哉價莫酬。  
滿枝爲鼓吹。衷甲避戈矛。隋帝宮荒草。秦王土一  
丘。相逢好大笑。除此總雲浮。

樊川外集

樊川別集叙

集賢校理裴延翰編次牧之文。號樊川集者。二十  
卷。中有古律詩二百四十九首。且言牧始少得恙。  
盡搜文章。閱千百紙。擲焚之。纔屬畱者十二三。疑  
其散落於世者多矣。舊傳集外詩者。又九十五首。  
家家有之。予往年於棠郊魏處士埜家。得牧詩九  
首。近汶上盧訥處。又得五十篇。皆二集所逸者。其  
後池泛舟。宴送王十秀才詩。乃知外集所亡。取別  
句以補題。今編次作一卷。俟有所得。更益之。熙寧  
六年三月一日。杜陵田棨序。

樊川別集目錄

詩

寓言

猿

懷歸

邊上晚秋

傷友人悼吹簫妓

訪許頰

春日古道傍作

青塚



大夢上人自廬峰廻

洛中二首

邊上聞胡笳三首

春日寄許渾先輩

經闔閭城

并州道中

別懷

漁父

秋夢

早秋客舍

逢故人

秋晚江上遣懷

長安夜月

雲

春懷

逢故人

閒題

金谷園

重登科

遊邊

將赴池州道中作

隋宮春

蠻中醉

寓題

送趙十二赴舉

偶呈鄭先輩

子規

江樓

旅宿

杜鵑

聞蟬

送友人

旅情

曉望

貽友人

書事

別雀

晚泊

山寺

早行

樊川別集  
秋日偶題

憶歸

偶見黃州作

醉倒

誚許十三秀才兼依來韻

後池泛舟送王十秀才

書情

兵部尚書席上作

驪驪坂

樊川別集目錄

樊川別集

詩

寓言

暖風遲日柳初含。顧影看身又自慙。何事明朝獨  
惆悵。杏花時節在江南。

猿

月白煙青水暗流。孤猿啣恨叫中秋。三聲欲斷疑  
腸斷。鏡是少年須白頭。

懷歸

塵埃終日滿。牕前水態雲容思。浩然爭得便歸湘。



浦去却持竿上釣魚船

邊上晚秋

黑山南面夏無州馬放平沙夜不收風送孤城臨  
曉角一聲聲入客心愁

傷友人悼吹簫妓

玉簫聲斷沒流年滿目春愁隴樹煙豔質已隨雲  
雨散鳳樓空鎖月明天

訪許頰

門近寒谿牕近山枕山流水日潺潺長嫌世上浮  
雲客老向塵中不解顏

春日古道傍作

萬古榮華旦暮齊樓臺春盡州萋萋君看陌上何  
人墓旋化紅塵送馬蹄

青塚

青塚前頭隴水流燕山山下暮雲秋蛾眉一墜窮  
泉路夜夜孤魂月下愁

大夢上人自廬峰廻

行脚尋常到寺稀一枝藜杖一禪衣開門滿院空  
秋色新向廬峰過夏歸

洛中二首

柳動晴風拂路塵。年年宮闕鎖濃春。一從翠輦無  
巡幸。老却蛾眉幾許人。  
風吹柳帶搖晴綠。蝶遶花枝戀暖香。多把芳菲泛  
春酒。直教愁色對愁腸。

邊上聞胡笳三首

何處吹笳薄暮天。寒垣高鳥沒狼煙。遊人一聽頭  
堪白。蘇武會禁十九年。

海路無塵邊州新。榮枯不見綠楊春。白沙日暮愁  
雲起。獨感離鄉萬里人。

胡雛吹笛上高臺。寒雁驚飛去不迴。盡日春風吹  
不散。只應分付客愁來。

春日寄許渾先輩

薊北雁初去。湘南春又歸。水流滄海急。人到白頭  
稀。塞路盡何處。我愁當落暉。終須接鴛鴦。霄漢共  
高飛。

經闔閭城

遺蹤委衰州。行客思悠悠。昔日人何處。終年水自  
流。孤煙邨戍遠。亂雨海門秋。吟罷獨歸去。煙雲盡  
慘愁。

并州道中

行役我方倦。苦吟誰復聞。戍樓春帶雪。邊角暮吹  
雲。極目無人迹。迴頭送雁群。如何遣公子。高卧醉  
醺醺。

別懷

相別徒成泣。經過總是空。勞生慣離別。夜夢苦西  
東。去路三湘浪。歸程一片風。他年寄消息。書在鯉  
魚中。

漁父

白髮滄浪上。全忘是與非。秋潭垂釣去。夜月叩船  
歸。煙影侵蘆岬。潮痕在竹扉。終年狎鷗鳥。來去且

無機。

秋夢

寒空動高吹。月色滿清砧。殘夢夜魂斷。美人邊思  
外。孤鴻秋出塞。一葉暗辭林。又寄征衣去。迢迢天

早秋客舍

風吹一片葉。萬物已驚秋。獨夜他鄉淚。年年為客  
愁。別離何處盡。搖落幾時休。不及磻溪叟。身閒長  
自由。

逢故人

故交相見稀。相見倍依依。塵路事不盡。雲巖閒好  
歸。投人銷壯志。徇俗變真機。又落他鄉淚。風前一  
滿衣。

秋晚江上遣懷

孤舟天際外。去路望中賒。貧病遠行客。夢魂多在  
家。蟬吟秋色樹。鷓噪夕陽沙。不擬徹雙鬢。他方擲  
歲華。

長安夜月

寒光垂靜夜。浩彩滿重城。萬國盡分照。誰家無此  
明。古槐疎影薄。仙桂動秋聲。獨有長門裏。蛾眉對

曉晴

雲

東西那有礙。出處豈虛心。曉入洞庭闊。暮歸巫峽  
深。渡江隨鳥影。擁樹隔猿吟。莫隱高唐去。枯苗待  
作霖。

春懷

年光何太急。倏忽又青春。明月誰家主。江山暗換  
人。鶯花潛運老。榮樂漸成塵。遙憶朱門柳。別離應  
更頻。

逢故人

年年不相見。相見却成悲。教我淚如霰。嗟君髮似絲。正傷攜手處。况值落花時。莫惜今宵醉。人間忽忽期。

閒題

男兒所在即爲家。百鎰黃金一朶花。借問春風何處好。綠楊深巷馬頭斜。

金谷園

繁華事散逐香塵。流水無情艸自春。日暮東風怨啼鳥。落花猶似墮樓人。

重登科

星漢離宮月出輪。滿街含笑綺羅春。花前每被青娥問。何事重來只一人。

遊邊

黃沙連海路無塵。邊艸長枯不見春。日暮拂雲堆下過。馬前逢著射鵰人。

將赴池州道中作

青陽雲水去年尋。黃絹歌詩出翰林。投轄暫停畱酒客。絳帷斜繫滿松陰。妖人笑我不相問。道者應知歸路心。南去南來盡鄉國。月沉秋水只沉沉。

隋宮春

龍舟東下事成空。蔓艸萋萋滿故宮。亡國亡家爲  
顏色。露桃猶自恨春風。

蠻中醉

瘴塞蠻江入洞流。人家多在竹棚頭。青山海上無  
城郭。唯見松牌出象州。

寓題

把酒直須判酌。酌逢花莫惜。暫淹留。假如三萬六  
千日。半是悲哀。半是愁。

送趙十二赴舉

省事却因多事力。無心翻似有心來。秋風郡閣殘  
花在。別後何人更一杯。

偶呈鄭先輩

不語亭亭儼薄粧。畫裙雙鳳鬱金香。西京才子苟  
看取。何似喬家那窈娘。

子規

蜀地曾聞子規鳥。宣城又見杜鵑花。一叫一回腸  
一斷。三春三月憶三巴。

江樓

獨酌芳春酒。登樓已半醺。誰驚一行雁。衝斷過江  
雲。

旅宿

旅館無良伴。凝情自悄然。寒燈思舊事。斷雁警愁眠。遠夢歸侵曉。家書到隔年。湘江好煙月。門繫釣魚船。

杜鵑

杜宇竟何冤。年年叫蜀門。至今銜積恨。終古釣殘魂。芳艸迷腸結。紅花染血痕。山川盡春色。嗚咽復誰論。

聞蟬

火雲初似滅。曉角欲微清。故國行千里。新蟬忽數聲。時行仍鬢髮。度日更分明。不敢頻傾耳。唯憂白髮生。

送友人

十載名兼利。人皆與命爭。青春畱不住。白髮自然生。夜雨滴鄉思。秋風從別情。都門五十里。馳馬逐鷄聲。

旅情

牕虛枕簟涼。寢倦憶瀟湘。山色幾時老。人心終日忙。松風半夜雨。簾月滿堂霜。匹馬好歸去。江頭橘正香。

曉望

獨起望山色。水鷄鳴蓼洲。房星隨月曉。楚木向雲秋。曲渚疑江盡。平沙似浪浮。秦原在何處。澤國碧悠悠。

貽友人

自是東西客。逢人又送人。不應相見老。祇是別離頻。度日還知暮。平生未識春。儻無遷谷分。歸去養天真。

書事

自笑忝紅塵。流年舊復新。東風半夜雨。南國萬家春。失計拋漁艇。何門化涸鱗。是誰添歲月。老却暗投人。

別崔

分飛共所從。六翮勢催風。聲斷碧雲外。影孤明月中。青田歸路遠。丹桂舊巢空。矯翼知何處。天涯不可窮。

晚泊

帆濕去悠悠。停橈宿渡頭。亂煙迷埜岫。獨鳥出中流。蓬雨延鄉夢。江風阻暮秋。儻無身外事。甘向老扁舟。



山寺

峭壁引行徑。截溪開石門。泉飛濺虛檻。雲起漲河  
軒。隔水看來路。踈籬見定猿。未閒難久住。歸去復  
何言。

早行

垂鞭信馬行。數里未鷄鳴。林下帶殘夢。葉飛時忽  
驚。霜凝孤雀迥。月曉遠山橫。僮僕休辭險。時平路  
復平。

秋日偶題

荷花兼柳葉。彼此不勝秋。玉露滴初泣。金風吹夏  
愁。綠看甘棄陸。紅臉恨飄流。數息是遊子。少年還  
白頭。

憶歸

新城非故里。終日想柴扃。興罷花還落。愁來酒欲  
醒。何人初髮白。幾處亂山青。遠憶湘江上。漁歌對  
月聽。

偶見黃州作

朔風高緊掠河樓。白鼻騮郎白鬪裘。有箇當壚明  
似月。馬鞭斜揖笑回頭。

醉倒

日晴空樂下仙雲俱在涼亭送使君莫辭一盞即  
相請還是三年更不聞

訓許十三秀才兼依來韻

多爲裁詩步竹軒有時凝思過朝昏篇成敢道懷  
金璞吟苦唯應似額猿迷興每慙花月夕寄愁長  
在別離魂煩君把卷侵寒燭麗句時傳畫戟門

後池泛舟送王十秀才

城日晚悠悠絃歌在碧流夕風飄度曲煙嶼隱行  
舟問拍疑新令憐香占彩毬當筵雖一醉寧復緩  
離愁

書情

誰家洛浦神十四五來人媚髮輕垂額香衫軟着  
身摘蓮紅袖濕窺淥翠娥頻飛鵲徒來往平陽公  
主親

兵部尚書席上作

華堂今日綺筵開誰遣分司御史來偶發狂言驚  
滿坐兩行紅粉一時回

驕驕坂

荆州一萬里不如塊易度仰首望飛鳴伊人何異  
趣

樊川別集

樊川文集遺文

詩

睦州四韻

已下五首正集目存詩闕今附載此

州在釣臺邊。溪山實可憐。有家皆掩映。無處不潺湲。好樹鳴幽鳥。晴樓入楚煙。殘春杜陵客。中酒落花前。

夜泊桐廬先寄蘇臺盧郎中

水檻桐廬館。歸舟繫石根。笛吹孤戍月。犬吠隔溪邨。十載違清裁。幽懷未一論。蘇臺菊花節。何處與開罇。

秋晚早發新定

解印書千軸。重陽酒百釭。涼風滿紅樹。晚月下秋江。巖壑會歸去。塵埃終不降。懸纓未敢濯。巖瀨碧淙淙。

除官歸京睦州雨霽

秋半吳天霽。清凝萬里光。水聲侵笑語。嵐翠撲衣裳。遠樹凝羅帳。孤雲認粉囊。溪山侵兩越。時節到重陽。顧我能甘賤。無由得自強。候會公觸尾。不敢夜循牆。豈意籠飛鳥。還為錦帳郎。網今開傅燮。書識舊黃香。曾在史館四年姪女真虛語。饑兒欲一行。淺深

須揭厲休更學張綱

蘭溪

詩話總龜云。蘭溪自黃州麻城出。東南流入大江。水極清冷。

蘭溪春盡碧泱泱。映水蘭花雨發香。楚國夫人憔悴日。應尋此路去瀟湘。

題水西寺

竹坡詩話

樓。三日去還住。一生焉再遊。含情碧溪水。重上粲公樓。

吳宮詞

見范石湖吳郡志

越兵驅綺羅。越女唱吳歌。宮燼花聲少。臺荒麋跡多。茱萸坐曉露。菡萏落秋波。無遣君王醉。滿城嘖

翠娥

香逕遶吳宮。千帆落照中。雀鳴山苦雨。魚躍水多風。城帶晚莎綠。池連秋蓼紅。當年國門外。誰信伍員忠。

金陵

見景定建康志

始發碧江口。曠然諧遠心。風清舟在鑑。日落水浮金。瓜步逢潮信。臺城過雁音。故鄉何處是。雲外卽喬林。

泊松江

清露白雲明月天。與君齊棹木蘭船。風波湖雨一

相失。夜泊橫塘心渺然。

卽事

事文類聚

小院無人雨長苔。滿庭修竹間疎槐。春愁兀兀成幽夢。又被流鶯喚醒來。

七夕

事文類聚

雲堦月地一相過。未抵經年別恨多。最恨明朝洗車雨。不教回脚渡天河。

薔薇花

事文類聚

朶朶精神葉葉柔。雨晴香拂醉人頭。石家錦障依然。在閒倚狂風夜不收。

江樓晚望

湖山翠欲結蒙籠。汗漫誰遊夕照中。初語燕雛知社日。習飛鷹隼識秋風。波搖珠樹千尋拔。山鑿金陵萬仞空。不欲登樓更懷古。斜陽江上正飛鴻。

逸句

海錄碎事一則

幽人聽達曙。聒罷蘇床琴。

方輿勝覽二則

魚多知海熟。藥少覺山貧。

土控吳兼越。州連歙與池。山河地襟帶。軍鎮國藩

維

出守吳興

綠水棹雲月。洞庭歸路長。春橋坐酒幔。夜柵集茶檣。箬影沈溪暖。蘋花遶郭香。

優古堂詩話二則

經冬埜菜青青色。未臘山梅樹樹花。

半破前峰月。

樊川文集遺文

樊川文集遺文



